

Khutbah Hari Raya Aidilfitri 1445 Hijrah / 2024 Masihi

Khutbah Aidilfitri Pertama

KE ARAH MENJADI UMAT YANG BERTAKWA

Allahuakbar, Allahuakbar, Allahuakbar

D i pagi yang mulia dan penuh berkat ini, marilah kita sama-sama memperbanyakkan rasa syukur dan meningkatkan ketakwaan kepada Allah Subhanahu Wata'ala dengan sebenar-benar takwa. Marilah kita mentaati segala perintah Allah Subhanahu Wata'ala dan meninggalkan segala larangan-Nya, mudah-mudahan kita semua dikasihi Allah Subhanahu Wata'ala serta mendapat perlindungan-Nya di dunia dan di akhirat.

Alhamdulillah, kita telah berada di pagi Syawal yang mulia, pada hari ini kita menzahirkan rasa kesyukuran dan kegembiraan setelah berjaya menyempurnakan ibadah puasa sepanjang bulan Ramadan yang baru sahaja berlalu. Amal ibadah kita sepanjang bulan Ramadan tersebut telah meninggalkan kesan yang mendalam di lubuk hati kita sebagai orang yang beriman. Kejayaan kita melalui Ramadan Al-Mubarak pada tahun ini mudah-mudahan akan meningkatkan lagi ketakwaan kita kepada Allah Subhanahu Wata'ala.

Sesungguhnya takwalaah membezakan antara orang-orang yang beriman dengan orang-orang yang tidak beriman. Orang-orang yang beriman itu merekalah yang mendapat kemenangan dan menjadi ahli syurga. Ganjaran syurga merupakan setinggi-tinggi pencapaian dan destinasi terakhir dalam kehidupan insan yang bertakwa. Ini jelas sebagaimana firman Allah Subhanahu Wata'ala dalam Surah Al-Hashr, ayat 20 :

Tafsirnya : "Tidaklah sama penghuni neraka dengan ahli syurga. Ahli syurga itu ialah orang-orang yang berjaya".

Allahuakbar, Allahuakbar, Allahuakbar

Dengan kedatangan 1 Syawal ini, umat Islam di seluruh dunia dari pelbagai bangsa dan peringkat umur, bersama-sama melafazkan takbir, tahmid dan tasbih sebagai

tanda mengagungkan kebesaran Allah Subhanahu Wata'ala dan tanda kejayaan mendidik dan mengawal nafsu di bulan Ramadan yang penuh berkat.

Selama berada di bulan Ramadan, kita dilatih melaksanakan ibadah-ibadah fardu dan sunat seperti Sembahyang Fardu Isyak Berjemaah, Sembahyang Sunat Tarawih, bertadarus Al-Quran, qiamullail, bersahur, memperbanyakkan sedekah dan sebagainya. Semuanya itu merupakan hasil daripada diikannya Ramadan yang boleh mendorong kita ke arah menjadi umat yang bertakwa.

Ketahuilah, bahawa perjuangan untuk mewujudkan masyarakat bertakwa ini menjadi tanggungjawab kita bersama sebagai umat Islam. Maka seluruh umat Islam tanpa mengira latar belakang, kedudukan, bangsa dan pangkat serta darjat perlulah bergerak, berjuang dan bersatu memperkukuhkan kesatuan umat Islam. Sesungguhnya Allah Subhanahu Wata'ala memerintahkan kita agar bersatu dan berpegang dengan agama Allah Subhanahu Wata'ala, sebagaimana firman-Nya dalam Surah Ali-Imran, ayat 103 :

Tafsirnya : "Dan berpegang teguhlah kamu kepada tali (agama) Allah dan janganlah kamu bercerai-berai dan ingatlah nikmat Allah kepada kamu ketika kamu bermusuhan (semasa jahiliah dahulu) lalu Allah menyatukan antara hati kamu (dengan nikmat agama Islam) maka menjadilah kamu dengan nikmat-Nya itu (orang-orang Islam yang) bersaudara. Dan dahulunya kamu berada di tepi jurang neraka lalu Allah menyelamatkan kamu daripada-Nya (dengan sebab nikmat Islam). Demikianlah Allah menjelaskan kepada kamu ayat-ayat keterangan-Nya supaya kamu mendapat hidayah".

Allahuakbar, Allahuakbar, Allahuakbar

Pada kelazimannya Aidilfitri diraikan bersama orang yang tersayang. Apabila tiba Hari Raya, hampir setiap orang akan

menziarahi rumah ibu bapa. Ibu bapalah tempat utama yang dituju untuk menyambut lebaran. Ibu bapa merupakan insan yang paling berjasa dalam hidup kita. Mereka telah mengorbankan seluruh hidup mereka untuk memastikan kehidupan kita sentiasa cukup dan menerima pelajaran yang sebaiknya demi masa depan kita.

Setiap kali tiba Hari Raya, pastinya ibu bapa kita insan yang berlegar-legar dalam fikiran dan ingatan kita. Maka kegembiraan pada Hari Raya ini pastinya kita ingin raikan bersama insan-insan mulia ini. Inilah peluang yang ada untuk kita mengeratkan hubungan silaturahim antara ibu bapa, keluarga dan sanak saudara.

Ibu bapa juga merupakan insan yang paling gembira pada hari ini kerana anak-anak pulang berkumpul. Pastinya setiap anak mengharapkan restu dan keredaaan daripada ibu bapa masing-masing kerana keredaaan ibu bapa itulah yang akan mendatangkan keredaaan Allah Subhanahu Wata'ala. Dalam sebuah hadis, Abdullah ibnu Umar Radiallahuanha berkata bahawa Rasulullah Sallallahu Alaihi Wasallam bersabda :

Maksudnya : "Reda Allah terletak kepada reda orang tua dan kemurkaan Allah terletak kepada kemurkaan orang tua". (Hadis Riwayat Imam Termini)

Justeru, ambillah peluang sementara mereka masih ada untuk kita terus mencurahkan bakti dan penghormatan kepada mereka. Bersyukurlah bagi mereka yang masih memilih ibu bapa. Kerana ada dalam kalangan kita yang sejak kecil langsung tidak dapat merasai suasana Hari Raya bersama ibu atau bapa disebabkan ajal mereka yang lebih dahulu tiba. Manakala bagi yang telah tiada, terulash memperbanyakkan berdoa semoga Allah Subhanahu Wata'ala mengampunkan dosa mereka dan menempatkan mereka dalam kalangan hamba-hamba-Nya yang soleh. Pemergian

mereka bukan bererti tanggungjawab kita sebagai anak telah selesai, bahkan doa seorang anak itu juga merupakan salah satu daripada amalan untuk berbaik kepada ibu bapa yang telah meninggal dunia.

Allahuakbar, Allahuakbar, Allahuakbar

Hari Raya ini juga merupakan peluang untuk kita memperbaiki hubungan persaudaraan. Ini kerana antara kita, pasti ada kesalahan mahupun kesilapan yang telah dilakukan sama ada secara sadar ataupun tidak. Perbezaan pendapat dan perselisihan yang berlaku sesama manusia memang tidak dapat dielakkan. Apa yang penting kita bijak menangani setiap perbezaan tersebut dengan tenang dan bijaksana. Bagi umat Islam, walaupun kita berbeza pandangan, kita tetap bertemu pada akidah yang sama iaitu mengesakan Allah Subhanahu Wata'ala dan mengabdikan diri kepada-Nya.

Justeru, Aidilfitri ini merupakan kesempatan yang sangat sesuai untuk kita memaafkan kesalahan orang lain terhadap kita dan peluang kita memohon kemaafan atas apa jua kesalahan yang telah kita lakukan. Semoga dengan jernihnya hubungan sesama kita akan membuka lembaran baharu kehidupan yang lebih tenang dan saling mengasihani antara satu sama lain.

Tafsirnya : "Mereka ditimpa kehinaan di mana sahaja mereka berada kecuali jika mereka berpegang teguh kepada tali (agama) Allah dan tali (perjanjian) dengan manusia dan sudah sepatutnya mereka mendapat kemurkaan daripada Allah dan mereka ditimpa kehinaan. Yang demikian itu disebabkan mereka mengingkari ayat-ayat keterangan Allah dan mereka membunuh nabi-nabi tanpa alasan yang memang tidak dibenarkan. Yang demikian itu adalah disebabkan mereka derhaka dan melampaui batas". (Surah Ali-Imran, ayat 112).

Khutbah Aidilfitri Kedua

Sambut Hari Raya mengikut kemampuan

Allahuakbar, Allahuakbar, Allahuakbar

H ARI ini kita meraikan Aidilfitri sebagai tanda kita berjaya menunaikan amanah melaksanakan kerohanian di bulan Ramadan. Didikan Ramadan yang mendisiplinkan diri kita sepanjang hari, memberikan suatu pengisian yang sangat bermakna dalam menjalani kehidupan yang berkualiti.

Didikan Ramadan yang telah kita lalui itu seperti melaksanakan tuntutan fardu mahupun sunat dan mengawal nafsu serta menjaga segala bentuk makasiat seperti makasiat mata, makasiat telinga, makasiat mulut agar tidak merosakan ibadah puasa. Semua itu telah dapat kita tempuhi dengan didikan Ramadan tersebut.

Oleh yang demikian, segala didikan yang telah kita laksanakan di sepanjang Ramadan itu hendaklah diteruskan di bulan-bulan yang lain secara istiqamah. Janganlah hanya di bulan Ramadan sahaja kita rajin beramal ibadah tetapi di bulan-bulan lain pula kita berasa malas untuk beramal ibadah.

Allahuakbar, Allahuakbar, Allahuakbar

Pengertian Aidilfitri membawa makna yang mendalam iaitu 'Eid' bererti kembali, perayaan atau ulang tahun. Manakala 'Fitri' bermaksud berbuca atau makan minum, di mana seluruh umat Islam pada hari ini diwajibkan berbuca dan diharamkan berpuasa, ia juga membawa maksud fitrah atau tabiat asal kejadian manusia yang suci bersih, setelah sebulan berpuasa di bulan Ramadan.

Lazimnya kemeriahan Aidilfitri dapat dirasakan dengan rumah-rumah yang dihiasi lampu-lampu cucul berwarna-warni, sanak saudara berkumpul beramai-ramai, memakai

pakaian yang cantik dan berseri-seri serta beraneka juadah yang tersedia. Kemeriahan juga dapat dirasai dengan kita berkumpul di masjid ini untuk menunaikan Sembahyang Sunat Hari Raya Aidilfitri dan mendengar khutbah. Kita bersalam-salaman untuk memohon keampunan semoga semua salah silap dimaafkan, perselisihan atau perbalahan dilupakan dan mana-mana yang kusut kembali dileraikan. Kita juga mengadakan rumah terbuka, menjemput sanak saudara, jiran tetangga dan rakan taulan serta saling ziarah-menziarahi dan kunjung-mengunjungi.

Amalan ziarah-menziarahi ini bertepatan dengan usaha-usaha murni menghidupkan sunnah Rasulullah Sallallahu Alaihi Wasallam. Jika pada waktu atau bulan-bulan yang lain, kita tiada kesempatan kerana kesibukan dengan tugas mengurus rutin harian, maka di kesempatan inilah kita dapat menjalani semula keakraban dengan jiran tetangga, saudara-mara dan sahabat handai. Sesungguhnya inilah masa yang paling sesuai untuk kita menghubungkan dan mengeratkan lagi silaturahim sesama kita.

Dalam keghairahan meraikan Aidilfitri, janganlah sampai kita melakukan pembaziran kerana pembaziran itu dibenci oleh Allah Subhanahu Wata'ala. Sambutlah Hari Raya ini dengan mengikut kemampuan masing-masing. Apa yang penting biarlah bersederhana kerana Islam mengajar kita melakukan sesuatu perkara secara bersederhana dan tidak membazir. Allah Subhanahu Wata'ala berfirman dalam Surah Al-Isra', ayat 27 :

Tafsirnya : "Sesungguhnya orang-orang yang membazir (membelanjakan harta pada jalan yang menyalahi syarak) itu ialah saudara-saudara syaitan dan syaitan itu adalah sangat kufur kepada Tuhannya".

Allahuakbar, Allahuakbar, Allahuakbar

Dalam suasana kita meraikan kegembiraan ini, janganlah kita lupa akan keperitan dan kesengsaraan yang sedang dialami oleh saudara seagama kita yang berada di mana sahaja seperti saudara kita yang berada di Palestin. Kita sedang bergembira meraikan Aidilfitri, mereka di sana dalam kegelisahan, ketakutan, bermandikan air mata dan bersimbah darah kerana menghadapi penindasan dan serangan musuh durjana berupa pengeboman yang tidak berperikemanusiaan tanpa ada belas kasihan sehingga mengorbankan orang awam termasuk kanak-kanak dan wanita, serta memusnahkan harta benda dan kehidupan masyarakat di sana. Mereka yang masih hidup pula kehilangan tempat tinggal dan bersehidu kerana kehilangan orang yang tersayang, anak-anak kehilangan ibu bapa dan ibu bapa kehilangan anak-anak.

Apabila menyaksikan penderitaan yang dialami oleh mereka yang menghadapi musibah tersebut, sudah setentunya tersirat di dalam hati sanubari kita perasaan belas kasihan dan simpati terhadap nasib yang menimpa mereka. Sebagai umat Islam yang diikat dengan tali persaudaraan dan kasih sayang sesama Islam, kita berserta dengan negara-negara Islam yang lain dan juga negara-negara yang mencintai keamanan dan kedamaian amatlah kesal di atas kejadian ini. Oleh yang demikian, marilah kita memohon pertolongan kepada Allah Subhanahu Wata'ala dengan berdoa semoga saudara Islam kita di Palestin diselamatkan daripada kekejaman musuh serta penderitaan yang mereka alami berakhir dengan segera. Seterusnya semoga mereka akan dapat merasai hidup yang aman dan damai seperti yang kita nikmati.

Allahuakbar, Allahuakbar, Allahuakbar

Bagi kita yang diberikan kesempatan untuk melalui Ramadan Al-Mubarak dan meraikan Syawal yang penuh keberkatan ini, marilah sama-sama kita memperbanyakkan bekal dengan menjadikan di setiap kehidupan kita yang mendatang dengan amalan soleh sebagai kesinambungan dari amalan sepanjang Ramadan yang baru berlalu. Maka di bulan Syawal ini, kita teruskan melakukan ibadah sunat dengan melakukan Puasa Enam di mana pahalanya menyamai dengan puasa sepanjang tahun. Seperti yang kita maklum, Puasa Enam ini boleh dilakukan secara berturut-turut atau berselang hari. Daripada Abu Ayub Al-Ansari Radiallahuanha, Rasulullah Sallallahu Alaihi Wasallam bersabda :

Maksudnya : "Barang siapa yang berpuasa pada bulan Ramadan, kemudian diikuti dengan Puasa Enam hari pada bulan Syawal, seolah-olah dia berpuasa sepanjang tahun". (Hadis Riwayat Imam Muslim)

Sama-samalah kita berdoa semoga amalan kita diterima oleh Allah Subhanahu Wata'ala sebagaimana amalan yang diredai-Nya. Raikanlah Aidilfitri ini dengan rasa penuh tauwaduk dan merendah diri kepada Allah Subhanahu Wata'ala dan ambillah kesempatan ini untuk kita menjalinkan hubungan silaturahim sesama kita, buanglah yang keruh ambillah yang jernih. Semoga Sambutan Hari Raya Aidilfitri kali ini diwarnai dengan penuh kegembiraan serta rahmat dan keredaaan Allah Subhanahu Wata'ala, Amin Ya Rabbal Alamin.

Tafsirnya : "Sesungguhnya orang-orang beriman itu bersaudara maka damaikanlah antara dua saudara kamu (yang bertelingkah) itu dan bertakwala kepada Allah supaya kamu beroleh rahmat". (Surah Al-Hujurat, ayat 10)

Khutbah Khas Hari Raya Aidilfitri 1445 Hijrah / 2024 Masihi

Khutbah Aidilfitri Pertama



YANG MULIA TIMBALAN MENTERI HAL EHWAL UGAMA SEMASA MENYAMPAIKAN KHUTBAH.

Allahuakbar, Allahuakbar, Allahuakbar

Dipagi yang mulia dan penuh berkat ini, marilah kita sama-sama memperbanyakkan rasa syukur dan meningkatkan ketakwaan kepada Allah Subhanahu Wata'ala dengan sebenar-benar takwa. Marilah kita menaati segala perintah Allah Subhanahu Wata'ala dan meninggalkan segala larangan-Nya, mudah-mudahan kita semua dikasih Allah Subhanahu Wata'ala serta mendapat perlindungan-Nya di dunia dan di akhirat.

Sesungguhnya takwala yang membezakan antara orang-orang yang beriman dengan orang-orang yang tidak beriman. Orang-orang yang beriman, itulah mereka yang mendapat kemenangan dan menjadi ahli syurga. Ganjaran syurga merupakan setinggi-tinggi pencapaian dan destinasi terakhir dalam kehidupan insan yang bertakwa. Berfirman Allah Subhanahu Wata'ala dalam Surah Al-Hashr, ayat 20:

Tafsirnya: "Tidaklah sama penghuni neraka dengan ahli syurga. Ahli syurga itu ialah orang-orang yang berjaya".

Allahuakbar, Allahuakbar, Allahuakbar

Allhamdulillah, kita telah berada di pagi Syawal yang mulia, pada hari ini kita menzahirkan rasa kesyukuran dan kegembiraan dengan bersama-sama melafazkan takbir, tahmid dan tasbeeh sebagai tanda mengagungkan kebesaran Allah Subhanahu Wata'ala setelah berjaya menyempurnakan ibadah puasa sepanjang

bulan Ramadan yang baru saja berlalu. Selama berada di bulan Ramadan, kita telah dilatih dengan dibenarkan keampunan melaksanakan ibadah-ibadah fardu dan sunat. Kita sanggup dan mampu melaksanakan ibadah puasa ini, serta seluruh ibadah yang menjadi rangkaiannya, tiada lain, dikeranakan oleh adanya taufik daripada Allah Subhanahu Wata'ala jua.

Selama satu bulan penuh, pada bulan Ramadan yang lalu, saudara-saudara, kita menyingkalkan lengan baju, tekun beribadah, bertaqarrub mendekatkan diri kepada Allah, bukan sahaja di siang hari, malah kita terus berusaha meraih rahmat Allah di malam harinya. Di siang hari, sejak dari terbit fajar, sampai terbenamnya matahari, kita kerjakan puasa, menahan diri daripada makan minum dan hubungan kelamin, memperbanyakkan sedekah, menghayati ceramah dan tazkirah, melakukan pelbagai amal kebajikan, di samping mengawal nafsu serta menjauhi segala bentuk maksiat seperti maksiat mata, telinga dan mulut, agar tidak merosakkan ibadah puasa. Di malam hari, kita kerjakan Sembahyang Sunat Tarawih dan Wilir secara berjemaah, membaca Al-Quran, bertadarus dan mentadabur ayat-ayatnya, qiamullail, bersahur dan sebagainya. Di akhir bulan Ramadan pula, kita keluarkan Zakat Fitrah dan kemudian pada pagi ini, kita semua berduyun-duyun ke masjid-masjid, surau dan balai ibadah mengerjakan Sembahyang Sunat Aidilfitri.

Semua ini telah dapat kita tempuhi, hasil daripada didikan Ramadan yang boleh mendorong kita ke arah menjadi umat yang bertakwa. Umat yang mempunyai sifat takwa akan mendapat jaminan yang dijanjikan Allah sebagaimana yang disebut di dalam Surah Al-Imran, ayat 136:

Tafsirnya: "Mereka (orang-orang yang bertakwa) itu dengan ganjaran-Nya ialah keampunan daripada Tuhan mereka dan syurga-syurga yang mengalir di bawahnya sungai-sungai, mereka kekal di dalamnya. Dan itulah sebaik-baik ganjaran bagi orang-orang yang berakal".

Mudah-mudahan, semua amal ibadah

kita di bulan Ramadan yang lalu, diterima dengan baik oleh Allah Subhanahu Wata'ala, dengan mendapat pahala selayaknya dan kita semua termasuk di dalam golongan hamba-hamba-Nya yang memperoleh kebahagiaan dunia dan di akhirat. Dan semoga kita dipertemukan lagi dengan Ramadan yang akan datang.

Allahuakbar, Allahuakbar, Allahuakbar

Pada kelazimannya, Aidilfitri diraikan bersama orang yang tersayang. Apabila tiba Hari Raya, hampir setiap orang akan menziarahi rumah ibu bapa. Ibu bapalah tempat utama yang dituju untuk menyambut lebaran. Ibu bapa merupakan insan yang paling berjasa dalam hidup kita. Mereka telah mengurniakan seluruh hidup untuk memastikan kehidupan kita selaku anak-anak sentiasa cukup dan menerima pelajaran yang sebaiknya demi masa depan kita.

Setiap kali tiba Hari Raya, pastinya ibu bapa kita telah insan yang berlegar-legar dalam fikiran dan ingatan kita. Maka kegembiraan pada Hari Raya ini pastinya kita ingin raihan bersama insan-insan mulia ini. Inilah peluang yang ada untuk kita mengertikan hubungan silaturahmi antara ibu bapa, keluarga dan sanak saudara.

Bagi ibu bapa dan orang tua, mereka merupakan insan yang paling gembira pada hari ini. Kerana anak-anak, cucu dan sanak saudara akan berkumpul bersama-sama. Pastinya setiap anak mengharapkan restu dan kerediaan daripada ibu bapa masing-masing kerana kerediaan ibu bapa itulah yang akan mendatangkan kerediaan Allah Subhanahu Wata'ala. Dalam sebuah hadis, Abdullah ibnu Umar Radiallahuanhuma berkata, bahawa Rasulullah Sallallahu Alaihi Wasallam bersabda:

Tafsirnya: "Reda Allah terletak kepada reda orang tua dan kemurkaan Allah terletak kepada kemurkaan orang tua". (Hadis Riwayat Imam Termizi)

Justeru, ambillah peluang sementara mereka masih ada untuk kita terus mencurahkan bakti dan penghormatan kepada mereka. Bersyukurlah bagi mereka yang masih memiliki ibu bapa untuk meraikan bersama-sama.

Kerana ada dalam kalangan kita, yang sejak kecil, langsung tidak dapat merasa kasih sayang ibu atau bapa disebabkan ajal mereka yang lebih dahulu tiba. Manakala bagi yang telah tiada, teruskan memperbanyakkan doa, semoga Allah Subhanahu Wata'ala mengampunkan dosa mereka dan menempatkan mereka dalam kalangan hamba-hamba-Nya yang soleh. Pemergian mereka bukan berarti tanggungjawab kita sebagai anak telah selesai, bahkan doa seorang anak itu juga merupakan salah satu daripada amalan untuk berakti kepada ibu bapa yang telah meninggal dunia.

Allahuakbar, Allahuakbar, Allahuakbar

Hari Raya ini juga merupakan peluang untuk kita memperbaiki hubungan persaudaraan. Ini kerana antara kita, pasti ada kesalahan mahupun kesilapan yang telah dilakukan sama ada secara sadar ataupun tidak. Perbezaan pendapat dan perselisihan yang berlaku sesama manusia memang tidak dapat dielakkan. Apa yang penting kita bijak menangani setiap perbezaan tersebut dengan tenang dan bijaksana, bagi Umat Islam, walaupun kita berbeza pandangan, kita tetap bertemu pada akidah yang sama iaitu mengesakan Allah Subhanahu Wata'ala dan mengabdikan diri kepada-Nya.

Justeru, Aidilfitri ini merupakan kesempatan yang sangat sesuai untuk kita memaafkan kesalahan orang lain terhadap kita, dan peluang kita memohon kemaafan atas apa jua kesalahan yang telah kita lakukan. Semoga dengan jernihnya hubungan sesama kita akan membuka lembaran baharu kehidupan yang lebih tenang dan saling mengasihani antara satu sama lain.

Tafsirnya: "Dan bersegeralah kamu (mengerjakan amal kebajikan untuk membawa kamu) kepada keampunan daripada Tuhan kamu dan ke syurga yang luasnya seluas langit dan bumi yang disediakan untuk orang-orang yang bertakwa. (Iaitu) orang-orang yang membelanjakan (hartanya) pada masa senang dan susah dan orang-orang yang menahan kemarahannya serta memaafkan (kesalahan) orang. Dan Allah mengasihani orang-orang yang berbuat kebajikan". (Surah Al-Imran, ayat 133-134)

Khutbah Aidilfitri Kedua

Allahuakbar, Allahuakbar, Allahuakbar

AIDILFITRI membawa makna yang mendalam. 'Eid' bererti kembali, perayaan atau ulang tahun. Manakala 'Fitri' bermaksud terbuka atau makan minum, di mana seluruh umat Islam pada hari ini diwajibkan terbuka dan diharamkan berpuasa. 'Fitri' juga membawa maksud fitrah atau tabiat asal kejadian manusia yang suci bersih. Dalam erti kata, setiap Muslim yang telah menjalani ibadah berpuasa di bulan Ramadan kemudian berjaya melalui perjuangan hawa nafsu kerana Allah, maka ganjarannya adalah kembali suci seperti anak yang baru lahir. Inilah makna daripada hadis Rasulullah Sallallahu Alaihi Wasallam yang bermaksud: "Barang siapa yang menghidupkan bulan Ramadan dengan penuh keimanan dan mengharapkan balasan pahala daripada Allah, maka Allah akan mengampuni dosa-dosanya yang telah lalu," sabda Rasulullah Sallallahu Alaihi Wasallam.

Hari ini kita meraikan Aidilfitri sebagai tanda kita berjaya menunaikan amanah melaksanakan kerohanian di bulan Ramadan. Bagi kaum Muslimin yang bertakwa, didikan dan tarbiyah Ramadan, memberikan suatu pengisian yang sangat bermakna dalam menjalani kehidupan yang berkualiti. Kaum Muslimin yang bertakwa ini, akan memanfaatkan detik Aidilfitri ini dengan menyusun dan mengatur niat, sikap dan perilaku yang telah diajarkan oleh tarbiyah Ramadan itu. Antaranya, menebarkan kasih sayang, saling memaafkan serta tidak terjerumus kepada larangan dan kemurkaan Allah Subhanahu Wata'ala. Sehingga hati, sikap dan perilaku mereka menjadi mantap dalam mendepani kesesalehan bulan berikutnya. Inilah, para golongan *muttaqin* (yang bertakwa) sebagaimana yang disebut oleh Baginda Sallallahu Alaihi Wasallam sebagai umatnya yang amat berharap, rindu malah berangan-angan agar seluruh bulan dalam setahun itu semuanya adalah bulan Ramadan.

Allahuakbar, Allahuakbar, Allahuakbar

Lazimnya, kegembiraan Aidilfitri dapat dirasakan dengan rumah-rumah dihiasi lampu-lampu cucuk berwarna-warni, sanak saudara berkumpul beramai-ramai, memakai pakaian yang cantik dan berseri-seri serta beraneka juaah yang tersedia. Kita juga mengadakan rumah terbuka. Menjemput sanak saudara, jiran tetangga dan rakan taulan serta saling ziarah-menziarahi dan kunjung-mengunjungi. Kita akan bersalam-salaman untuk memohon keampunan semoga salah silap dimaafkan, perselisihan atau perbalahan dilupakan dan mana-mana yang kusut kembali dilelakan.

Amalan ziarah-menziarahi ini bertepatan dengan usaha-usaha murni menghidupkan sunnah Rasulullah Sallallahu Alaihi Wasallam. Jika pada waktu atau bulan-bulan yang lain, kita tiada kesempatan kerana kesibukan dengan tugas mengurus rutin harian, maka di kesempatan inilah kita dapat menjalin semula keakraban dengan jiran tetangga, saudara-mara dan sahabat handai. Sesungguhnya inilah masa yang paling sesuai untuk kita menghubungkan dan mengeratkan lagi silaturahmi sesama kita.

Dalam keghairahan meraikan Aidilfitri, jantangan sama sekali kita melakukan pembaziran kerana pembaziran itu dibenci oleh Allah Subhanahu Wata'ala. Sambulah Hari Raya ini dengan mengikut kemampuan masing-masing. Apa yang penting biarlah berseederhana kerana Islam mengajarkan kita melakukan sesuatu perkara secara berseederhana dan tidak membazir. Allah Subhanahu Wata'ala berfirman dalam Surah Al-Isra', ayat 27:

Tafsirnya: "Sesungguhnya orang-orang yang membazir (membelanjakan harta pada jalan yang menyalahi syarak) itu ialah saudara-saudara syaitan dan syaitan itu adalah sangat kufur kepada Tuhannya".

Hidupkan sunnah Rasulullah

Allahuakbar, Allahuakbar, Allahuakbar

Dalam suasana kita meraikan kegembiraan ini, janganlah kita lupa akan keperitan dan kesengsaraan yang sedang dialami oleh saudara seagama kita yang berada di mana sahaja seperti saudara kita yang berada di Palestin. Kita sedang bergembira meraikan Aidilfitri, sedang mereka di sana dalam kegelisahan, ketakutan, bermandikan air mata dan bersimbah darah. Mereka menghadapi penindasan dan serangan musuh durjana, berupa pengeboman yang tidak berperikemanusiaan, tanpa ada belas kasihan, sehingga mengorbankan orang awam termasuk kanak-kanak dan Wanita, memusnahkan harta benda dan kehidupan masyarakat di sana. Mereka yang masih hidup pula, kehilangan ibu bapa dan ibu bapa kehilangan anak-anak.

Apabila menyaksikan penderitaan yang dialami oleh mereka yang menghadapi musibah tersebut, sudah setentunya terdetik di dalam hati dan sanubari kita, perasaan belas kasihan dan simpati terhadap nasib yang menimpa mereka. Sebagai umat Islam yang diikat dengan tali persaudaraan dan kasih sayang sesama Islam. Kita berserta dengan negara-negara Islam yang lain, dan juga negara-negara yang mencintai keamanan dan kedamaian amatlah kesal di atas kejadian ini. Oleh yang demikian, marilah kita memohon pertolongan kepada Allah Subhanahu Wata'ala dengan berdoa semoga saudara Islam kita di Palestin diselamatkan daripada kekejaman musuh serta penderitaan yang mereka alami berakhrir dengan segera. Semoga kekejaman musuh serta penderitaan yang mereka alami berakhrir dengan segera. Semoga mereka akan dapat merasa hidup yang aman dan damai seperti yang kita nikmati.

Allahuakbar, Allahuakbar, Allahuakbar

Bagi kita yang diberikan kesempatan untuk melalui Ramadan Al-Mubarak dan meraikan

Syawal yang penuh keberkatan ini, marilah sama-sama memperbanyakkan bekal dengan menjadikan di setiap kehidupan kita yang mendatangi dengan amalan soleh sebagai kesinambungan daripada amalan sepanjang Ramadan yang baru berlalu. Maka di bulan Syawal ini, kita teruskan melakukan ibadah sunat dengan melakukan Puasa Enam di mana pahalanya menyamai dengan puasa sepanjang tahun. Seperti yang kita maklum, Puasa Enam ini boleh dilakukan secara berturut-turut atau bersebelah hari. Daripada Abu Ayub Al-Ansari, Rasulullah Sallallahu Alaihi Wasallam bersabda:

Maksudnya: "Barang siapa yang berpuasa pada bulan Ramadan, kemudian diikuti dengan Puasa Enam hari pada bulan Syawal, seolah-olah dia berpuasa sepanjang tahun". (Hadis Riwayat Imam Muslim)

Sama-samalah kita berdoa semoga amalan kita diterima oleh Allah Subhanahu Wata'ala sebagai amalan yang diredai-Nya. Sambil itu, kita terus merafakkan doa dan bemanjailah, semoga Allah Subhanahu Wata'ala sentiasa mengurniakan nikmat dan rahmat-Nya kepada Negara Brunei Darussalam agar terpelihara, makmur dan aman sejahtera di bawah pemerintahan dan kepimpinan Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam. Kita raihanlah Aidilfitri ini dengan rasa penuh tawaduk dan merendah diri kepada Allah Subhanahu Wata'ala dan ambillah kesempatan ini untuk kita menjalinkan hubungan silaturahmi sesama kita. Semoga Sambutan Hari Raya Aidilfitri kali ini diwarnai dengan penuh kegembiraan serta rahmat dan kerediaan Allah Subhanahu Wata'ala, *Amin Ya Rabbal Alamin*.

Tafsirnya: "Sesungguhnya orang-orang yang beriman itu bersaudara maka damaikanlah antara saudara kamu (yang bertelingkah) itu dan bertakwalah kepada Allah supaya kamu beroleh rahmat". (Surah Al-Hujurat, ayat 10)